

**Inuup sananeqaataasa ilisarnaataannik qitiusumik nalunaarsuiffik pillugu inatsisip atuutilersinneqarneranik peqqussutissamut siunnersuut aamma inuup sananeqaataasa ilisarnaataanni qitiusumik nalunaarsuiffik pillugu inatsisip, eqqartuussisarneq pillugu inatsisip aamma qamutirik assakaasulinnik nalunaarsuineq pillugu inatsisip allanngortinneqarneranik peqqussutissatut siunnersuummut (Naalagaaffinnit Den Europæiske Unionip avataaneersunik inuup sananeqaataasa ilisarnaatai, pussuit ipaasa assilineqarneranik aamma qamutit pillugit paasissutissanik paarlaateqatigiittarneq) Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut.**

(Pinngortitamut, Avatangiisinut Inatsisinullu Atuutsitsinermut Naalakkersuisoq)

### **Akissut**

(Isumaginninnermut, Ilaqutariinnermut, Naligiissitaanermut, Inatsisinillu Atuutsitsinermut Naalakkersuisoq)

### **Aappassaaneerera**

Naalakkersuisut Inatsisinut Ataatsimiititaliaq Inuup sananeqaataasa ilisarnaataannik qitiusumik nalunaarsuiffik pillugu inatsimmut siunnersuummut sukumiisumik suliarinnissamanerannik qutsavigai.

Pinerluuteqarsimasoq inuup sananeqaataanik qimatsisimatillugu, Inuup sananeqaataasa ilisarnaataannik qitiusumik nalunaarsuiffik politiit pinerlunnernik paasiniaanerannut naammassinnissinnaanerannullu ikiuutaallunilu pitsanngorsaataassaaq.

Ullumikkut kalaallit politiivi qallunaat inuup sananeqaataasa ilisarnaataannik nalunaarsuiffiata atornissaannut periarfissaanngillat, kalaallit politiivinut annertuumik pakatsinartumik. Taamaattumik siuariarneruvoq Qitiusumik Dna-mut Nalunaarsuiffimmik aaqqissuussinermut ilanngunnissaq, tamannalu politiit qangalili utaqqilersimavaat.

Inuup sananeqaataasa ilisarnaataannik nalunaarsuiffimmik atuilerneq isumaqassaaq, pinerluttut inatsimmik arlaleriarlutik unioqqutitsisut ajornannginnerusumik tigusaasalernissaannik kinguneqassaaq, paasiniaanermi atortoq pitsaasoq taanna atorlugu. Suliani suli pasisaqannginnermi inuup sananeqaataasa ilisarnaataannik nalunaarsuiffiup politiit ikiussavai sukkanerusumik pasisaq pinngitsuusoq pinngitsuutissallugu kiisalu pinerlussimasoq nassaarissallugu suliaqarnerannut.

Inuit pillugit paasissutissat illersugaanerat inuup sananeqaataasa ilisarnaataannik nalunaarsuiffimmut atassuteqarnera pillugu Naalakkersuisut naalakkersuisoqarfiit attuumassuteqartut aamma naalagaaffiup oqartussaasui peqatigalugit Inatsisinut Ataatsimiititaliap kajumissaatai isumaliutigiumavaat.

Isumaliutigineqartut inernerit takkuppata Inatsisinut Ataatsimiititaliaq Naalakkersuisunit ilisimatinneqarumaarpoq.

Naalakkersuisut nuannaarutigalugu maluginiarpaat Inatsisinut Ataatsimiititaliaq akerliusoqarani siunnersuummut isumaqataammat.

Naalakkersuisut taamatut oqaaseqarlutik siunnersuutip akuerineqarnissaa innersuussutigaa.